



# Հովհաննես Թուխանյան

## Արծիվն ու կաղնին

Եղավ՝ մի անգամ անտառի միջին  
Արծիվն ու կաղնին էսպես վիճեցին,  
Թե ո՛րն իրենցից շատ տարի կապրի,  
Ո՛րն է դիմացկուն ու պինդ ավելի:

Արծիվն ասավ՝ ես. կաղնին էլ թե՛ ես:  
Երկուսն էլ համառ ու հրպարտ էսպես՝  
Մեծ-մեծ պարծեցան, սաստիկ վիճեցին,  
Վերջը էս տեսակ պայման կապեցին:  
Ժամանակ դրրին հինգհարյուր տարի

Արքան հավքերի, արքան անտառի,  
Որ թե որոշված էն օրին հասնեն,  
Էն օրը մին էլ գան իրար տեսնեն:  
Ու Արծիվն իսկույն կաղնուց հեռացավ,  
Հրգոր թևերը շարժեց, վերացավ

Դեպի ամպերը, դեպ ժայռերը,  
Ուր անց է կացնում իր լավ օրերը:  
Կաղնին էլ փրռեց ճյուղերն երկաթի,  
Խո՛ր ու խոր մխեց ճանկերն արմատի  
Ու էնպես հուժկու կանգնեց անտառում,

Որ վայր չընկնի էլ հինգհարյուր տարում:  
Դարե՛ր անց կացան: Եվ ահա մի օր  
Արծիվը եկավ ծերացած, անգոր,  
Ծրվոցը կըտրած, տրկար, հևալով,  
Թույլ-թույլ թևերը հագիվ քարշ տալով

Տեղ հասավ մի կերպ, նայեց դես ու դեն,  
Տեսավ, որ Կաղնին ընկել էր արդեն.  
Ճյուղերը թեն դեռ թարմ ու կանաչ,  
Ընկել էր ահեղ փոթորկի առաջ:  
Հե՛յ, կանչեց, գոռոզ, պարծենկո՛ւտ Կաղնի,

Դե լավ ճանաչիր ինձ ու քեզ հիմի.  
Հինգհարյուր տարուց մի ժամ էլ դեռ կա,  
Ընկել ես արդեն, անկոտորում հըսկա:  
Հինգհարյուր տարի ապրել եմ կանգնած,  
Էդքան էլ կապրեմ դեռ էսպես թիկնած,

Մինչև լըրանա մի հազար տարին:  
Պատասխան տրվավ ընկած վիթխարին:

1898